

სახალხო გაზეტი

სურათებიანი დამატება

გაზეთის № 43.

კვირა, 27 ივნისი 1910 წ.

დამატების № 7

ერთგული მეგობარი

ოსკარ უაღლისა.

(დასასრული *)

— სულ გავამსო? — ცოტა დაღონდა პატარა განსი. კალათი ძალიან მოზრდილი იყო და განსმა იცოდა, ის რომ გაეგსო, გასაყიდად ყვავილები აღარ დარჩებოდა. განსს კი თავისი ვერცხლის ღილები დაბრუნება ძალიან უნდოდა.

— ღმერთმანი, — განაგ. რძო მეწისქვილემ, — ჩემის აზრით, შემძლიან ხელ-ურე-მაში ცოტა ყვავილები გთხო-ვო. იქნება ვცდები, მაგრამ მე ვფიქრობ, რომ მეგობრობა, ნამდვილი მეგობრობა სრუ-ლიად თავისუფალია ყოველ-გვარი ეგოიზმიდან.

— ჩემო ძვირფასო, ჩემო საუკეთესო მეგობარო! — შეჰყვირა განსმა, — სიხარუ-ლით მოგცემ ჩემი ბალის ყვე-ლა ყვავილებს. მირჩევნია, თქვენი მოწონება დავიმსახუ-რო, ჩემი ვერცხლის ღილების დაბრუნებას. — და დასკრა რა ყველა თავის ლამაზი ყვავი-ლები, იმან ჩააღაგა სულ მე-წისქვილის კალათში.


— მშვიდობით, პატარა გან-სო, — უნდომლად ჩაილა-პარაკა მეწისქვილემ და თავისს აღმართს შეუდგა. იმას ედო ზურგზედ ფიცარი და ხელში ყვავილებით სავსე კალათა ეჭირა,

— მშვიდობით ბრძანდებით! — უბასუხა განსმა და მხიარულად განაგრძო მიწის ბარვა: ხელ-ურემა ძალიან ახა-რებდა მასა.

მეორე დღეს განსი ჩვეულებრივ თავისს ბაღში მუშაობ-და და ყვავილებისთვის თოკებს აბავდა, როცა მეწისქვილის ხმა შეესმა. იქვე გზიდან უძახოდა. ბავშვი საჩქაროდ კიბილ-გან ჩამოხტა, გაიქცა ბალის მეორე ბოლოში და ლობეს გადაეწოდა.

იქ იდგა ზურგზედ დიდი ფქვილის ტომარა აკიდებული მეწისქვილე.

— პატარა, კარგო განსო, — უთხრა იმან, — ჩემს მაგივრად ემ ტომარას ბაზარში ვერ ჩაიტან?



ვლადიმერ გვიშვილი ლორთქიფანიძე.

გარდაიცვალა 1909 წ. 27 ივნისს.

— ოჰ, ძალიან მწყინს, — უბასუხა განსმა, — რომ თქვე-ნი სურვილის ასრულება არ შემძლიან, იმდენი საქმე-ები მაქვს დღეს: უნდა მთე-ლი ჩემი ხვეული მცენარეები მივამაგრო, ბალახი გამოვ-მარგლო და ყველა ყვავილე-ბი მოვრწყო.

— მაინც იმის შემდეგ, — სთქვა მეწისქვილემ, — რაც ხელ-ურემას დაგპირდი, მე-გობრულად ვერ იტყვი, უარს მეუბნები.

— ო, მაგას ნუ მეტყვი! ვგრე არა მეგობრულად მო-ქცევას არას გზით არ დავთან-ხმლები, — და პატარა გან-სმა სწრაფად დაიხურა ქუდი, აიკიდა დიდი ტომარა და გაუდგა ბაზრისაკენ მიმავალ გზას.

ცხელი დღე იყო, გზა მტკიანი, და პატარა განსმა

ვერ შესძლო ექვსი მილის გავლა, ძალიან დაიღალა და უნდა დაესვენა. მაინც როგორც იყო თამამად განა-გრძო გზა და ბოლოს მივიდა ბაზარში. ცოტა ხნის შემდეგ ბავშვმა კარგს ფასად გაჰყიდა ფქველი და მაშინვე დაბრუნდა სახლში, რომ გზაში არ დაჰგვიანებოდა და ავაზაკებს ფული არ წაერთვათ.

*) იხ. სურათებიანი დამატება № 6.

— დღეს ძალიან ძნელი დღე იყო, — გაიფიქრა განსმა, როცა ლოგინში წვებოდა, — მიანც მოხარული ვარ, რომ მეწისქვილეს უარი არ ვუთხარი, რადგანაც ის ჩემი საუკეთესო მეგობარია, და ამის გარდა თავის ხელურემასაც მაჩუქებს.

მეორე დღეს დილით ადრე მეწისქვილე ფულებისთვის მოვიდა, მაგრამ წინაღობის ჯაფით დაღალულ განსს ისევ ეძინა.

— ღმერთსა ვფიცავ ძალიან ზარმაცია ხარ, — უთხრა მეწისქვილემ, — ჩემი ხელ-ურემა რომ გაჩუქე, უნდა უფრო მუყაითად გემუშავნა. სიზარმაცე დიდი ნაკლულევანებაა და, რასასვირველია, არ მინდა, ჩემი რომელიმე მეგობარი ზარმაცობდეს და ძილი უყვარდეს. ჩემი გულ-ახდილობა არ უნდა გეწყინოს. შენი მეგობარი რომ არ ვიყო, რასაკვირველია ყველა ამას არ გეტყობდი. მაშ რაღა სარგებლობა აქვს მეგობრობას, თუ რასაცა ფიქრობ, იმის თქმაც კი არ შეგიძლიან. სასიამოვნო და პირმოთნე-ალერსიანი ლაპარაკი ყველას შეუძლიან, და მხოლოდ ერთგული მეგობარი ამბობს არა-სასიამოვნოს, და ყურს არ უგდებს, რომ შეიძლება ამით აწყვინოს. და თუ ის ნამდვილი მეგობარია, ამ უსიამოვნო გზას არჩევს, დარწმუნებული, რომ ამით სარგებლობას მოუტანს.

— ძალიანა მრცხვენიან, — სთქვა პატარა განსმა და ნამძინარევი თვალები მოიფშვინტა, — მაგრამ გუშინ ისე დავიღალე და თან ძალიან მინდოდა ცოტა კიდევ ვწოლილიყავ და ყური მეგდო ფრინველების გალობისთვის. იცით, იმათ რომ ყურს ვუგდებ, მერე როგორღაც უფრო კარგადა ვმუშაობ ხოლმე.

— ეგ კი მიხარიათ, — მხარზედ ხელის დარტყმით უთხრა მეწისქვილემ, — მეც სწორედ ჩემს წისქვილში მინდა წაგიყვანო, რომ საბძელს სახურავი გაუკეთო. აბა, ჩქარა ჩაიცი.

საწყალი პატარა განსი თავისს ბაღში მუშაობას ემუშრებოდა: აგერ ორი დღეა ყვავილები არ მოერწყო, მაგრამ თავისი საუკეთესო მეგობრის-მეწისქვილის წყეინება არ უნდოდა.

— თქვენა ფიქრობთ, არა მეგობრულად მოვიქცევი დროს უქონლობის გამო უარი რომ ვითხრათ? — შეეკითხა ის მოკრთალებისა და დარცხვენილი ხმით.

— ღმერთმანი, მგონი ბევრს არა გთხოვ, — უპასუხა მეწისქვილემ; — იმის შემდეგ რაც ჩემს ხელ-ურემას დაგპირდი; მაგრამ რასაკვირველია, თუ შენ უარს ამბობ, წავალ და მე თითონ ვაკეთებ.

— არა, არას დროს, — წარმოსთქვა განსმა, წამოხტა ლოგინიდან, ფიცხლავ ტანთ გადიცვა და მეწისქვილის საბძლის შესაკეთებლად წავიდა.

მთელი დღე იმუშავა, მზის ჩასვლამდე. საღამოთი მეწისქვილე მივიდა დახედნა, თუ როგორ მიდის მუშაობა.

— აბა, განსო, ხომ კარგად ვაკეთებ საბძლის სახურავი? — შესძახა მეწისქვილემ მხიარულად.

— სულ გავათავე, — უპასუხა ბავშვმა და კიბეზედ ჩამოვიდა.


— ახ, — სთქვა მეწისქვილემ, — იმაზედ სასიამოვნო არაფერია, როცა სხვისთვის შრომობ.

— რასაკვირველია, თქვენი ლაპარაკის ყურის გდებაც ძალიან დიდი უფლებაა, — უპასუხა პატარა განსმა, ჩამოჯდა იქვე და დაიწყო შუბლიდან ოფლის წმენდა, — ესეც ძალიან დიდი უპირატესობაა; ვწუხარ, რომ თქვენისთანა მშვენიერი აზრები არასოდეს არ მექმნება.

— ოჰ, ამას ჯერ კიდევ შეითვისებ, — უთხრა მეწისქვილემ, — მაგრამ შენ უნდა ამაზედ იხრუნო. ეხლა მხოლოდ მეგობრობის პრაქტიკა გაქვს, ოდესმე თეორიასაც შეიძენ.

— ვითომ აგრე იყოს? — ჰკითხა პატარა განსმა.

— ამის ეჭვიც არა მაქვს, — უპასუხა მეწისქვილემ. — ეხლა კი, საბძელი რომ შეაკეთებ, შენთვის უმჯობესი იქნება სახლში წახვიდე და დაისვენო, — ხვალ უნდა ჩემი ცხვრები მთებში წაასხა.



ნიკოლოზ ბესარიონისძე ლოლოპაჩიძე.

(ქართულ სტამბის 200 წ. არსებობის გამო)
„ვენის“ შრიფტის შემომღები. 1866 წლამდის გაზეთები და წიგნები ძველი ნუსხური შრიფტით იბეჭდებოდა. ეს დიდ ალაგსაც იჭერდა და შნაც ნაკლები ჰქონდა. 1866 წ. ღირს შესანიშნავია ქართულ სტამბის არსებობაში. ნიკოლოზ ბესარიონისძემვენაში ჩამოასხმევინა ვენის შრიფტი, რომლითაც წიგნები იბეჭდება ეხლა, და პირველად შემოიღო ხმარებაში. მას აქეთ ამ შრიფტმა პირველი ადგილი მოიპოვა. თუმცა ვაუმჯობესება ამ შრიფტსაც ესაჭიროება, მაგრამ ჯერ ჯერობით ეს შრიფტია ხმარებაში.

საწყალი პატარა განსი ვერაფრის თქმას ვერა ბედავდა. მეორე დღეს მეწისქვილემ შეჰკრიბა თავისი სახლის გარშემო ცხვარი და განსი გაჰყვა მათ მთებში, საიდგანაც მხოლოდ გვიან საღამოთი დაბრუნდა ისეთი დაღალული, რომ ჩამოცდა თუ არა სკამზედ, ჩაეძინა და ასე ეძინა განთიადამდე.

— რა კარგად ვიმუშავებ დღეს ჩემს ბაღში, — გაიფიქრა იმან გამოღვიძებისას და მაშინვე მუშაობას ხელი მიჰყო.

მაგრამ ვერც ეხლა შესძლო ხეირიანად მუშაობა, რადგანაც მისი მეგობარი მეწისქვილე ხშირ-ხშირად გზავნიდა სადმე ან წისქვილში იშველიებდა. საწყალი პატარა განსი ძალიანა სწუხდა თავისს დავიწყებულ ყვავილებზედ, მაგრამ გულს იმით ინუგეშებდა, რომ მეწისქვილე მისი საუკეთესო მეგობარი იყო.

ასე განაგრძობდა განსი მეწისქვილისთვის მუშაობას, მეწისქვილე კი მაღალი სიტყვებით დაღალდებდა მეგობრობაზედ. ყოველ მისს ნათქვამს განსი უბის წიგნში იწერდა და საღამოობით კითხულობდა ხოლმე, რომ დაესწავლა.


ერთხელ საღამოთი განსი ბუხარს მისჯდომოდა, როცა კარების ბრახუნი შემოესმა. ღამე ბნელი იყო, ქარი საზარლად ღმუოდა. ბავშვს ეს ბრახუნი ჯერ ქარის ხმად შეესმა,

მაგრამ ბრახუნი განმეორდა: შემდეგ კიდევ და კიდევ და ბოლოს ატყდა განუწყვეტელი ხმაურობა.

— ალბად ვინმე საწყალი მგზავრია, — გაიფიქრა განსმა და კარის გასაღებად წავიდა.

კარებში იდგა მეწისქვილე ანთებული ფარნით ერთს ხელში და გრძელი ჯოხით მეორეში.

— კარგო, პატარა განსო, — უთხრა იმან, — დიდი მწუხარება მომადგა კარსა: ჩემი ბავშვი კობიდან ჩამოვარდა და ფეხი იტყინა. ექიმთან მივდივარ, მაგრამ ის ისე შორსა სცხოვრობს და ღამე კი ასე ბნელია. მე აზრად მომივიდა, შენ წახვიდე ჩემს მაგივრად. ხომ იცი, ჩემი ხელ-ურემას მოცემა მინდა და სულ უბრალო რიგიანობა გავაღებ, შენც გამიკეთო რამე.



ორ ცაცხლ შუბ. — სურათი ბრედტისა.

— დილაღ! — წამოიძახა განსმა, — ძალიან ვაფასებ, რომ სახელდობრ მე მომმართვეთ და ემ სათშავე წავალ. მაგრამ თუ შეიძლება ფარანი მათხოვეთ, თორემ ღამე ისე ბნელია, რომ მეშინიან საღმე თხრილში არ გადავიჩეხო.

— ვწუხვარ, — უბასუხა მეწისქვილემ, — რომ არ შემიძლიან ფარნის თხოვება, რადგანაც ეს ჩემი ახალი ფარანია და ამას თუ რამე მოუვიდა, ძალიან დიდი საწყენი იქნება ჩემთვის.

— მაშ კარგი, უმაგისოდაც წავალ, — დაეთანხმა პატარა განსი, წამოისხა თავისი თბილი პალტო, დაიხურა ტყავის წითელი ქუდა, შემოიხვია ყაბალახი და გზას გაუდგა.

ქარიშხალი საშინლად ჰბერდა. ღამე ისე ბნელი იყო, რომ განსი თვალწინ საგნებს ძლიერს არჩევდა; ძლიერი ქარი თითქმის ფეხს აკლიდა. მაინც ის მამაკურად მოდიოდა წინა და სამი საათის სიარულის შემდეგ ექიმის სახლს მიადწია და კარები დაუკაკუნა.

— ვინ არის? — დაიძახა ექიმმა და საძილო ოთახის ფანჯრიდან თავი გადმოჰკო.

— მეწისქვილეს შვილი კობიდან გამოვარდა და დაიჩეხა, მეწისქვილე გთხოვთ ეხლავე მიბრძანდეთ იმათსა.

— კარგი! — უთხრა ექიმმა და უბრძანა შეეკაზმათ ცხენი და მოემზადებინათ იმისი დიდი წალები და ფარანი. შემდეგ გამოვიდა სახლიდან, შეჯდა ცხენზედ და მეწისქვილეს სახლისკენ გასწია. პატარა განსი კი უკან საცოდავად მიჩანჩალებდა.

ამასობაში ქარიშხალი უფრო ძლიერდებოდა, წვიმა ნიაღვარივით მოდიოდა, განსი ვერა ხედავდა, საით მიდიოდა, და ნელ-ნელა ჩამორჩა ცხენსა. ბოლოს გზაც აერიო, მოჰყვა ღრმა-საფლობიან ქაობს და დაიხრჩო შიგა. მეორე დღეს მეცხვარეებმა ნახეს დამხვრჩვალი განსი და სახლში წამოიღეს.

ყველა მეზობლები მოვიდნენ პატარა განსის დამარხვებზედ, რადგანაც ის ყველას ძალიან უყვარდა. უმათვრესი მგლოვიარე კი მეწისქვილე იყო.

— რადგანაც იმისი საუკეთესო მეგობარი მე ვიყავი, ამიტომ პირველი ადგილი მე მეკუთვნის, — გამოაცხადა იმან, მიდიოდა სამგლოვიარო პროცესიის თავში გძელი შავი ტანთ-საცმელით და დრო და დრო ხელსახოკით თვალებს იწმენდა.

— პატარა განსის დაკლება ეხლა ყველას შეგვეტყობა, — სთქვა მქედელმა, როცა დამარხვის შემდეგ ყველა გამცილებლები სუფთა სასტუმროში ისხდნენ და ღვინოსა და ტკბილეულობას შეექცეოდნენ.

— ჩემთვის მაინც ეგ დიდი დანაკლისია, — უბასუხა მეწისქვილემ, — დიად! ჩემს ხელ-ურემს დავპირდი კიდევ იმასა, და ეხლა აღარ ვიცი ის სად წავიღო. სახლში მხოლოდ ადგილს იკერს, და თან იმისთანა მდგომარეობაში მოვიდა, რომ გაყიდვებზედ ფიქრიც კი არ შეიძლება. ექვს გარეშეა, ამას იქით აღარავის აღარაფერს ვაჩუქებ. შენი სიკეთისთვის ყოველთვის დაისჯები ხოლმე.

— მერე? — ჰკითხა ვირთავამ კარგა ხნის სიჩუმის შემდეგ.

— გავათავე, — უთხრა ჰკინტამ.

— მეწისქვილეს რაღა მოუვიდა? — ხელმეორედ ცნობისმოყვარეობით შეეკითხა წყლის ვირთავამ.

— ჰო, ეგ კი აღარ ვიცი, — შეესიტყვა ჰკინტა, — და სწორედ გითხრა, არცა ვზრუნევ მაგაზედ!

— მაშასადამე ცხადია, რომ თქვენ ჰეშმარიტი თანაგრძობა არ შეგძლებიათ, — გამოაცხადა ვირთავამ.

— ვშიშობ, რომ ამ ზღაპრის მორალს ვერ მოხვდით, — შენიშნა ჰკინტამ.

— როგორაო? — წამოიძახა ვირთავამ.

— მორალს.

— თქვენ გინდათ სთქვა, რომ ამ ისტორიას მორალი აქვს?

— რასაკვირველია, — უთხრა ჰკინტამ.

— სწორედ გითხრათ, თქვენ უნდა თავიდგანვე გემცნოთ ეგ ჩემთვის, — შენიშნა გაჯავრებულის ხმით ვირთავამ. თქვენ რომ აგრე მოქცეულიყავთ, მე რასაკვირველია ყურსაც არ დაგიგდებდით; მე კრიტიკივით მხოლოდ ვიტყოდი — „სისულელეა“. მაინც ეხლაც შემიძლიან ვთქვა! — და წამოიწრიპინა რა თავისი ხმის უმაღლესს ნოტებზედ „სისულელეა, სასულელეა“! სწრაფად შეიქნია კული და თავის სოროში მიიმაღა.

— როგორ მოგწონთ წყლის ვირთავა? — ჰკითხა იხვმა, რომელიც ისევ იქვე დასცურავდა, — იმას ძალიან ფართო შეხედულება აქვს, მაგრამ რაც მე შემიხება, მთლად მშობლიური გრძობებებითა ვარ აღვსილი და დიპლომაინი


მსწავლულის ისე დანახვა არ შემოიძლიან, რომ თვალთაგან
კრემლმა არ დამიწყოს დენა.

— ვშიშობ, რომ ვერ ვასიამოვნე, — უპასუხა კვინ-
ტამ, — საქმე იმაშია, რომ მას ვუამბე ისტორია მორა-
ლით.


— ოხ, ეგ ყოველთვის სახიფათოა ხოლმე სთქვა
იხემა.

და მეც მას სრულიად ვეთანხმები.


გ. ნამორადე.



№ 1.



№ 2.



№ 3.

საბერიკული საქონელი

ამ რამდენიმე თვის წინად ამერიკაში მოხდა შინაური საქონლის გამოფენა, რომელზედაც
ჯილდო მიეცა ერთ ბუღას და ორ ძროხას (იხ. სურ.) ძროხები კარგი მეწველი არიან. რძეც
საუკეთესო თვისებისა — ნოყიერი. ძროხა № 3. იწველის ღღეში 3 ფუთ რძეს. ამ ძროხების
ორი ღღის ხზო 8000 მან. იყიდება. ბუღა დაფასებულია 16.000 მან. ხოლო თითო ძროხა
12.000 მან.

მ ე ლ ზ ე

(მწარე მოგონება)

მახსოვს: ჰყვარდი ერთხელ ნარნარად
გადაშლილ იყვნენ შენში ყვავილნი;
მყუდრო მიდამოს... ოცნებათ სადგურს
სურნელს აფრქვევდნენ გრძნობით აღვისილნი.

* *

ცისა კამარას გარდაეხადნა
რიდე, მანტია სამგლოვიარო —
ჰკვნესდა ბუღბუღი: — ფერად მიდამოს,
აღფრთოვანებდა ხმა სანეტარო...

* *

აქვე მგოსანი გრძნობით მღეროდა,
და ჰანგი იგი სულს ამხნევებდა, —
მქექრი სიმღერა თვით ლაჩარსაც კი:
ძალას მოჰბერდა, ასალკლდევებდა!

*

შენც გარდაიქმენ შავს ასპარეზად,
გარე მოგერტყა უკუნი ბნელი;
და შენვე შეილთა დასათრგუნავად,
შენზედ აღიგო წაჰების ძელი!

*

მასზედა აკრავს უძლური დედა,
მშობელ მკერდიდამ სისხლი თქრიალებს! —
შვილს: შუბლსა უშკობს ეკლის გვირგვინი,
მებრძოლ მაჯაზე ხუნდი ჩხრიალებს!..

*

და ეგრედ რბიან სიცოცხლის ჟამნი,
სულსა სიამე არ ეღირსება;
არსით შეება, არსით ნუგეში,
მხოლოდ წამება... მხოლოდ კირთება!..

ს. ფაშალიშვილი.

